



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1652. usque ad annum 1662

Fleury, Claude

August. Vind. [u.a.], 1779

VD18 90119185

§. 5. Sinensis Imperatoris Legatio ad Innocentium X. Papam decreta.

[urn:nbn:de:hbz:466:1-67372](https://nbn-resolving.org/urn:nbn:de:hbz:466:1-67372)

Ecclesiam sancti Salvatoris in Lauro Sæc. XVII. A. C. 1652.
 deducitur; ubi ab Apostolico Pontificii Sacelli Sacrista juxta ritum Ecclesiasticum Sacerdotii dignitate & vestibus Sacris spoliatus, inter lictores medius ad carceres rursus conducebatur, altera die capite imminutus, cujus corpus per quatuor horas palam in ponte S. Angeli toti urbi spectandum exhibebatur, ut violata fides, corrupta Justitia, & profanata Tribunalium Sanctitas in Romanorum, exterorumque animis per publicam vindictam, & hujus prævaricatoris supplicium restauraretur: Jam antea Guido Canonici Mascambruni Nepos die vigesima tertia Januarii captus, cunctisque suis bonis ærario addictis ad triremes fuit condemnatus, & Octavius Canonici ejusdem Mascambruni frater Collegiatae ad S. Eustachium Archipresbyter ad carceres cum pluribus aliis ejusmodi fraudum consciis raptabatur.

§. V.

Sinenfis Imperatoris Legatio ad Innocentium X. Papam decreta.

Jam ab aliquot annis in Sinarum Imperio Christi fides tantis per adversa Tulden. Hist. temp. l. 2. Briet. Ann. nat. Mund. ad hunc ann.
 etiam accessionibus quotidie increfcebat, ut in magna hujus Regni parte plures Hist. Eccles. Tom. LXII. B ædes

Sæc. XVII. ædes Christiano ritu sacratæ, multa-
A. C. 1652. que doctrinæ Catholicæ numerarentur
 gymnasia, in quibus veræ fidei præ-
 cepta idiomate hujus gentis, literisque
 commendata passim edocebantur: Rem
 Christianam insuper haud parum pro-
 movebat Jungliæi Sinensis Imperatoris
 Mater, quæ unacum primogenito filio
 suo Constantino, & Achile Panga Eu-
 nuchorum Principe jamjam sacri fontis
 ritibus inaugurata Christi nomen Reli-
 gioso cultu palam profitebatur. Horum
 impulsu Martinus Martinius Societatis
 Jesuiticæ Sacerdos hoc anno Romam
 Legatus venit, ut summo Pontifici fi-
 liale obsequium præstaret, eumque de
 fidei Christianæ progressibus certio-
 redderet. Erat quidem ipsemet Jun-
 gliæus Imperator nondum Baptismi Sa-
 cramento autoratus, cum autem Vi-
 ris Apostolicis nequaquam infestus esset,
 illum quoque veræ fidei mysteriis im-
 buendum, ac Christianis aquis eluen-
 dum fore, spes haud infima affulserat,
 dummodo a Tartarorum seu Scytharum
 irruptionibus liber esset; horum enim
 Imperator Xunchius nomine, Quandun-
 gensem Provinciam cum valido agmine
 invasit, omnemque late regionem suæ
 subjecit potestati ac Pekingæ sedem
 suam collocavit. Quocirca Sinarum
 Imperator unacum Filio, & Matre,
 aliis-

aliisque Christianis ex Metropoli sua, Sæc. XVII.
A. C. 1652.
Chadkinga nomine, indeque e continenti
in altum mare profugere cogebatur, ut
vitæ suæ salutique adversus tam poten-
tes hostes prospiceret.

Eodem hoc anno in Africa Rex Mo-
nomotapæ unacum Coniuge sua & Fi-
lio primogenito, opera PP. Dominica-
norum sese Christianorum sacris addixit,
qui in sacro fonte Dominicus appella-
batur: Reginæ autem nomen Ludovicæ,
& Filio nomen Michaelis placuit; qui
etiam postremus spreto postmodum Re-
gno, amplexus S. Dominici institutum,
studiisque insigni cum laude absolutis
Theologiæ Magister creatus, totum se-
se in promovenda Casrorum, suorum-
que popularium conversione impendit.

§. VI.

*Imperii comitia a Ferdinando III.
Cæsare Ratisbonæ indicta.*

Habebatur hoc anno Francofordiæ Tuld. Hist.
temp. l. x.
Conventus, in quo Franconici,
Suevici, & utriusque Rhenani Circuli
Oratores inter se convenerant, ut Hi-
spani Francodalia die vigesima quarta
Aprilis & Palatini Hailbruna biduo post
excederent, & utramque civitatem pristi-
nis suis possessoribus integre relinque-
rent: quoniam vero Principum nonnulli